

福安縣志卷之十八

名宦

昔國僑為政而鄭治溱洧之墟祠而祀之以遺愛在民也厥後史誌循吏代不乏人龔黃召杜尤卓著焉卽名宦所自昉矣安邑建治以來自宋迄明循良之吏流風善政猶有存者沿至今日士習之遷流也農功之逐末也俗尙浮靡而風成武健也非寬猛相濟噢咻而振作之不為功我

朝旌伐銘勳官常整飭綏柔斯土者夫豈讓美前修特以

福安縣志

卷十八

名宦

一

前事不忘後事之師誨我子弟殖我田疇猶有古遺愛者乎辰之民其馨香而俎豆之矣敬列芳猷為治行勸志名宦

宋

鄭黼字文甫崇安人淳祐五年新析長溪西北置福安縣黼為令經畫里居設施布政井井有條民不知勞去任邑人送之無不垂涕

詹稟字德寬崇安人嘉熙中進士為縣尉有婦陳氏死非命稟覆驗見其腹脹得竹刃於隱處賊亦隨獲遷瑞州法曹

林子勳字翼之婺州永康人淳祐八年縣令時縣治經畫雖定而公署未建子勳踵成之開濬蓮池居官以廉謹聞

元

忙兀歹回回人皇慶中縣尹以廉潔正大律身以孝悌忠信導民敬老愛士務農重穀民立善政碑

高琛燕山人至順初縣尹剛毅正直表孝弟以勵風俗興學校以育人材鋤強植善厚本抑末秩滿去民立去思碑

胡璉懷孟人至大閒任主簿持身廉謹以德化民遷建廟學創薛補闕祠造溪口諸橋有功於邑

福安縣志

卷十八

名宦

二

林天賜至正五年知縣盜邱甯十恣行劫掠雖瓜菓不能留歲饑民負米盡爲所奪天賜至詢民疾苦置酒醉甯十等伏兵誅之民賴以安

李鉉元百戶至正閒把守政和界擒甯化寨賊魏梅受解福州後又與海寇戰於政和泗洲橋弗克賦詩曰戰敗誠宜死沈思恨復牽君親恩莫報忠孝事難全埋骨應無地知心祇有天孤魂託明月夜夜白雲邊又曰忍將一掬思親淚灑向西風作雨飛遂死之

明

黃理字子溫歙縣人永樂初知縣禮士愛民政平訟簡有公勤之譽

鄭齊江山人永樂中知縣興學校均徭役恤鰥寡而濟以廉勤民咸說服

胡晨字克興英山人正統末任縣丞時鄧茂七倡亂奸民乘機嘯聚掠縣境晨禦備有方民賴以安景泰初歲大饑倉粟匱竭晨稱貸於富家不足乃盡借留倉粟賑之同官欲候申請晨曰請則動經旬日民死過半矣有罪晨獨當之遂開倉賑給全活甚多

福安縣志

卷十八

名宦

三

何喬新號椒邱成化年任建甯道按縣勘水災民有貧不聊生者逋糧里正督之且索私欠民急欲自縊里正執以詣道喬新訊而憐之笞里正使代納俟秋成取償焉民泣謝更生有救荒詩

趙璉字宗商成化五年丞時大風傷稼繼以水患民大饑璉不待請以倉儲餘糧量口給食又勸富民出粟以濟不足民賴全活歌之曰有桑足我蠶有田足我農衣食誰與我縣丞趙相公

劉順成化年知縣有盜藏金者誣及藏卒順至疑之廉得其

情陰遣人詣盜金者家以水灌地果得金藏卒獲免
馬時中字希德潮陽人成化中知縣仁民愛物政尚簡要勸
農桑興學校治有成績

王曠字明卿山陰人宏治閒知縣愛民禮士正風俗釐弊政
新公署民不知勞

李希賢字士甫華亭人宏治閒訓導心地寬平學問醇正教
人循循善誘恩義兼盡在任八年甚得士心卒於官

劉曇字汝霖江西浮梁人正德初訓導植品端方勤於訓士
尤善屬文苜蓿雖寒臬比自擁日進諸生而誘掖之如坐春

福安縣志

卷十八

名宦

四

風中藹如也陞蜀府教授自題其門曰菊徑就荒今有主錦
屏雖好不如歸遂不赴任

沈愚字子明吳江人舉人正德閒知縣愛民好士未期月而
卒士民咸追慕之

于震字孔安浙江餘姚縣人舉人正德閒知縣嚴重不苟勤
政奉公臨事以簡易事輒不煩言而理慎軍儲剗奸弊抑強
扶弱號稱神明署前鼓樓寢以廢弛乃捐廉重建之以壯縣
治邑數遭火震爲文禱城隍旣而日進求神庇不如退而自
修也乃諭民浚蓮池淤塞瀦水以禳西山火曜且備不虞火

患以息性好學政暇手不釋卷元結春陵之篇風俗民情時見於作焉著有易傳東溪集若干卷後以狷介忤上官去士論惜之

楊槃字世資江西崇仁縣人正德閒教諭訓士甚嚴持身不苟人不敢干以私非公事不至公堂當道雅重之以疾卒於官

劉濤字德成安仁人貢監正德閒知縣氣量寬洪平易簡默愛民如子禮士若賓譖愬不行爲政三年未嘗有怒色及去民不忍舍

福安縣志

卷十八 名宦

及四

歐陽復字子陽融縣人監生正德閒主簿持身清慎臨事公勤敬士夫民有爭訟慰諭之皆俛首而退三年卒於官

覃廷珍字君重高要人正德閒典史謹厚謙勤敬士恤民巡歷鄉都不苟取以艱去民德而懷之

李長字復之浙江縉雲人進士正德十四年以戶科給事中建言謫本州判官泣政嚴明人不敢干以私署縣事一年旌孝子抑浮屠民有訟者受其勸諭咸願退息州人梅八虎武斷鄉曲長峻法繩之豪猾屏跡時有神明之稱

韓洲字汝清蕭山人舉人正德十六年知縣持身剛介泣事

公勤興學恤民九年如一日既歸人思慕之

陳松建陽丞署本縣事公廉自持嘗曰我只飲福安一口水耳及擢知縣去囊橐蕭然

陳泗永康人監生嘉靖閒知縣摘奸鋤強每食只薯一豆人呼為薯公其清介如此

袁植字邦器豐城人舉人嘉靖閒教諭持身立教一出於嚴按日率諸生習冠婚射禮督學者甚嘉之在任三年言不及利以艱去士不忍舍

顏容端廣東長樂人嘉靖七年以南安令來攝縣事政平民

福安縣志

卷十八

各宦

五

安人咸頌之

繆冕字希周汾水人嘉靖七年訓導樸素自持取與不苟以道自勵撰師聖賢克己私戒嗜慾務謙勤四詩梓授諸生且曰某無以為教願諸君共體之督學責舉劣冕曰古人云他郡自有平原自無冕不敢罔人以自免竟受罰士論賢之陞江西星子教授未赴任卒士哀悼之

程箕字斗南直隸績溪人嘉靖三十七年教諭博學多文嚴立條教學政一新三十八年倭入寇箕守西門督兵力戰外援不至城陷遂遇害城上事聞當道移檄褒嘉命有司以禮

殮葬

謝君錫嵩東海陽人嘉靖三十五年訓導性謹量寬接人以和不妄言笑不苟取與士皆愛而敬之三十八年倭寇至君錫守小西門率兵拒敵二日流矢貫面不退少頃城陷北城兵潰趨歸學朝服拜先師北向拜闕南向拜親觸柱死事聞當道移檄嘉有輸忠全節之語

盧仲佃字汝田號懷莘東陽人進士嘉靖三十八年自晉江調福安時縣初陷於倭積骸彌野仲佃招集人民慨然與民更始改築城濠事求便民民賴以蘇明年倭又薄城攜其三

福安縣志

卷十六

名宦

六

子與民固守賊不得犯四十年擢荆曹去民立生祠祀焉李有朋東陽人舉人嘉靖四十四年知縣約已裕民孜孜不借省白石司夫役使民蘇息裁長崎鹽哨令不得為奸喜詩公餘吟咏不輟

邱可封貴溪人隆慶元年教諭持身廉正師道尊嚴士氣賴以振作尤通天文地理太素諸家學者仰之

謝一楓安福人舉人隆慶二年知縣性恬靜愷悌近人有犯者輒諭以理令自愧服在任七年不大聲色邑治晏然

梁鵬順德人進士以刑部主事謫福建鹽運司知事萬曆九

年攝縣政廉介真率捐貲以助諸生之無冠服者貧婦夜作給以燈燭每食無兼味坊里有私餽者戒而遣之

楊繼時錢塘人恩貢萬曆十四年知縣和易明敏折獄如流吏胥積蠹摛剔殆盡而尤加意學校擴泮池增學田尋以艱去士民惜之

李廷英莆田人舉人萬曆十四年教諭有才學倡義助貧士婚捐貲修泮宮士論賢之

賴克紹晉江人萬曆二十年教諭

金汝礪字頤德平湖人進士萬曆二十七年知縣寬慈惠朗

福安縣志

卷十八

名宦

七

望而知為君子擴城東北隅以全形勢加造西門壩城以消水患杜絕內璫徵求坑冶之害鞠田閒冤獄得其情殲盜魁冀八加意作人增應試之額立賑貧之田自奉淡泊在任七年如一日及去士民立生祠焉

洪啓哲晉江人舉人萬曆三十五年教諭陞饒平令

吳仕訓潮陽人舉人萬曆四十三年教諭建朝旭堂修學志舉事多有裨於學校歷柳城令陞福州同知

張蔚然仁和人丁酉順天解元萬曆四十四年知縣有政績

建三賢祠

馬良太倉州人舉人天啓二年知縣修預備倉城隍廟立納戶粟糧無侵冒濬鳳井

范文沛建陽人天啓六年教諭質樸和易修葺學宮創大成門陞泉州教授

林芳揚同安人天啓六年訓導正直不阿士多賴之

盧世勳順昌人崇禎元年教諭加意課士正直敢言復敬一亭培金山頂建興文祠開泮池路整學宮牆修凌霄塔監樞星門石柱諸生勒石儀門以誌不朽陞興化教授

伍如綸廬陵人恩貢崇禎元年訓導慷慨任事鳩建文館協

福安縣志

卷十八

名宦

八

監樞星門石柱

巫三祝龍川人進士崇禎四年知縣愛民恤士重修縣志多

政績

國朝

郭之秀瀋陽人監生順治二年知縣鼎革之初寇盜蜂起之秀悉心招撫會邑中劉中藻以故國遺臣聚兵圍縣城秀提兵與戰晝夜巡守至東隅為飛矢所中越數日死城陷思公者無不流涕如失父母焉

張延統號嶽蓮華州人舉人順治十三年知縣甫而歲惠愛

旁敷父訃至哀毀七日逝宦囊如洗士民哀之會殯為歸其

柩康熙閒 題准崇祀名宦祠其子庶常曾慶刻有崇祀徵

言張公素存為之序

大學士張玉書崇祀徵言序循令而兼為孝子以之祀於民古未之聞也夫循令之所以慈民者無不至民愛戴而尸祝之宜也至於孝乃人子之自致於親耳於民無與而民之愛戴尸祝有倍焉者何也以至性之相為感召也孔子不云乎孝慈則忠民之抒忠不獨以上慈而並以上孝事若不謀而性為之通所得盡於上者何弗為也沒後之尸祝奚疑焉關中嶽蓮張先生以孝廉宰閩之福安啓榛而田化盜而農痼瘵日起禮教日興期月旋膺薦剡擢將不次而所怙不祿凶聞奄至先生於是悲不自勝曰本朝以祿逮親豈謂以一官違親養哉痛自悔責勺飲不入七日而殯福安之人皇皇奔走轉相驚告其懷德者曰是能慈我遺愛不可泯也其慕義者曰是篤於孝足以樹範於末俗吟頌之聲徹於閭里碑版

福安縣志

卷十八

名宦

九

之光照於衢路而且羣然謀所崇廟貌而虔尸祝合詞陳乞自邑而郡屢罷復興遲之三十餘年必獲所請而後已其奉主曰父老集廡下匍匐羅拜猶有泣下沾襟者使非其入民者深感民者神烏能歿世不忘若此哉歷時愈久則矢志愈誠於戲是可以觀直道之在民矣先生冢嗣曾慶遙聞其事於數千里外悲喜交并具述顛末踵徧長安以求發為咏歌載諸卷軸一時名公鉅卿騷人墨客感其誠不旬日而鱗集者以千百計皆煌煌大篇瑯琊耀目焉夫今日長安徵詩之舉沿為故事已以漫求人以漫應未有若此得之速而收之富者固張子積誠所致亦先生流風餘韻有以傾動人於數十年之後也子與張子忝通家之好聞見甚悉故樂為之弁言

周錫齡號松崖貴州貴定縣人進士道光十六年知縣臨民

慈惠泣事明敏嘗懸鉦儀門民有急不得具狀者則鳴而訴

之立為剖決故案無留牘吏無弄奸政暇輒屏輿從循行田

野閒問民疾苦事民望之如父母焉有程老人者持葱一束
寒菜一根進曰吾儕小民感公德無足為公壽此以表公清
白也受代後囊橐蕭然至不能俶裝士民今猶懷之

本朝
名宦必

經題准始得立傳茲因周公善政婦孺同
聲僉議志成之後公請申題故先附於末

福安縣志卷十八終

福安縣志

卷十八名宦

十

